

贈刑部公及徐太宜人敕命

天順六年五月十七敕曰人臣能盡事親之忠朝廷必遂顯親之

孝不以存歿而有間也爾陸瑜乃刑部山東清吏司主事陸景之

父善積厥身慶鍾於子祿不逮養恩典宜頒茲特贈爾為承德郎

刑部山東清吏司主事尚其歆服永慰九泉

敕曰國家制推恩之典以寵任事之臣而必榮及其親者所以重

源本而勸孝也爾徐氏乃刑部山東清吏司主事陸景之母婦道

母儀光於姻族篤生令子克舉厥官揆其所由宜隆恩典特封爾

為太安人服此光榮益綿壽祉

成化三年十二月十七日制曰國家推恩臣下既有申命之榮斯

於其親亦有加焉蓋厚倫重本之道也爾刑部山東清吏司主事
陸瑜乃本司署郎中事景之父敦篤禮義晦迹邱園有子登庸
祿養弗逮嘗因子而錫褒命矣子今進秩爾宜如之特加贈爲奉
直大夫本司員外郎尚其歆承永慰泉壤

制曰孝子被恩榮而欲及其親心豈有窮哉故朝廷于臣下父母
有加封之制所以體其心而隆其孝也爾封太安人徐氏乃刑部
山東清吏司署郎中事員外郎景之母婦道母儀著於閨閭曩
子貴嘗受封矣子今陞官亦宜進封爾爲太宜人服此茂恩益增

壽祉

叅政公傳

王世貞撰

故福建叅政陸公諱

景字孟昭

吾郡之嘗熟人也而居太倉之衛

城景泰辛未進士授刑部主事歷員外郎郎中能以文學飭吏治

于法比井井矣而性仁慈時有所寬貸其視獄日多畜猫于獄以

辟鼠害因之重繫者得無傷兩按河南山西大獄俱以明允稱旨

籍籍有公卿間聲矣而近以久次轉今官至則首捕船商之行剽

於海者僂之繕理戍城及甲仗一新又築漳泉二郡海隄海不能

浸郭閩人服其威畏竟中蜚語罷歸以疾卒年六十公為人磊落

慷慨與人交有終始居恒謂人生寄也即家亦寄安能有所別擇

而碌碌爲子孫作窠穴故不謀生產而所至即官舍或僦居必小

飾齋室蒔花竹時戒內子儲名醞甘菓珍錯以待不時之需客過必留留則咄嗟立辦至卜夜而猶未已其遇元夕張燈合樂帳飲雖侯家不過也以故三事而降至同舍諸曹廉不願交陸比部云公所為得公卿間聲者以此而毀亦隨者以此卒用此失官後之稱豪俠有度者必歸公也姪孫瑚仕為御史至知府亦有公風贊

曰

達埒王孫不顯已俠同孟公不踰軌安得其人與終始

天順六年五月十七日制曰刑部即右之秋官掌天下之獄訟者也故置屬獨詳于他部為郎佐者非得忠恕信明之士曷克稱焉爾刑部山東清吏司主事陸景發跡賢科擢任斯職公平詳慎克

著才猷茲特晉爾階承德郎錫之敕命爾尚益盡乃心益勵乃行務使刑不濫而民不寃庶副朝廷任用之意欽哉

制曰人倫始于夫婦風化本於閨門朝廷褒寵任之臣而必榮及其配者所以重人倫厚風化也爾刑部山東清吏司主事陸昺妻項氏恪修婦道以相其夫夫旣榮顯爾宜階貴茲特封爲安人祇服榮恩永光閨闈

成化三年十二月十七日制曰刑部掌天下獄訟故置屬特詳非得明敏仁恕之士曷克稱任爾刑部山東清吏司主事署郎中事員外郎陸昺發身賢科擢秋官屬歷年滋久茂著才猷迨遷今官益著勤慎茲特進爾階奉直大夫錫之誥命以示褒榮

爾其益端乃心益勵乃行使刑清而民不寃庶副朕任用之意
欽哉

制曰妻與夫齊人倫之正故朝廷推恩命必及之所以厚恩意
也爾刑部山東清吏司主事署郎中事員外郎陸昺妻安人項
氏克修婦職勤于內助嘗因夫貴錫榮封矣夫今進官特加封
爾爲宜人服此茂恩益崇祇慎

堅瓠集載公擢福建叅政臨行寮采餞之對衆閒吟云非是區
區欲大叅奈因兩鬢雪穆穆諸公側耳朝端聽一道清風振斗
南任後又寄詩京師諸故舊云再三上覆衆哥哥人事無多沒
奈何只有新書并手帕並無緞疋與綾羅聞者憾之遂不復進
用云

季昭公墓誌

弘治八年乙卯九月六日先考以疾卒旦等以貧不克依期禮
葬罪莫大焉十年丁巳十二月十七日奉柩窆于太倉城南應
崗門之原弗及請銘于能文者乃思序系遷徙平生履歷為誌
曰先考諱昊字季昭號拙菴世為常熟雙鳳人後徙太倉今為
太倉州人曾祖善卿祖士能父公佩以世父晁貴贈奉直大夫
刑部員外郎母徐氏封太宜人先考以明經遊黌宮屢試弗售
即為隱計成化壬辰奉母往京師就世父祿養遇例輸粟錫冠
帶儒士以為終身榮事大父母至孝有疾則稽顙北辰求以身
代每旦必衣冠謁先祠時物必薦出入必告終身弗渝與世父
友愛尤篤性仁恕見人善若己出不善則為之隱其于宗族鄉

黨朋友待以信而接以謙周人之急容人之過理家閑暇適情
詞翰客至延款詩酒竟日客退閉門斂息不問外事惟恐罹于
法也世稱善良居常戒不肖等曰吾祖宗以清白相遺積財適
為累耳若善則不可不積以為裕後之計不肖等受教不敢違
冀有以為先考光榮而竟至大故抱痛終天曷其有極耶先妣
顧氏子男四庶母杜氏生女一旦等荒陋不能昭先考潛德直
述為誌俾後裔得有所考先考生于宣德十年八月二十六日
春秋六十有一而于福有不備焉嗚呼痛哉孤子旦等泣血謹
誌

先祖之後衣冠不替推爲祖母之女德云迨二姑之適於沈飲
人以和接子姓族人以仁有祖母之遺風及庚辰年葬父玄錫
適成進士歸冠帶以祀土而泉下之靈喜可知也先祖未弱冠
而補博士弟子員未壯而膺己卯選貢生平試多甲諸生執經
者動郡邑有文冠江南扁額古文試論行於世至癸丑之十月
己酉日基於十五都之八圩先君諱某字孟祥別號載薇生于
庚申卒於乙卯享年五十有六乙酉與仲叔聯名首拔冠場次
年歲試即食廩學憲以後每試亦未嘗蹶也一生行誼寬和不
肯以腹背待人有執友張姓者以妾被訟幾欲投井自盡先君
挺身理其抑有母黨兄弟俱在庠被族訪陷學憲不惜于當道
緩頰平其寬然意唯欲隱其事而不肯緩以爲德也嘗以熱腸

代人之急亦不苛人之償至末局不必焚券而自不來償矣性
溫溫如玉有王謝風善奕一時同輩罕其匹至中年多病不善
養生嘗記執友曹周翰每致長柬必曰大哥能寡欲否二哥能
種子否前輩之氣誼如手足耳庚子癸卯戊申年間科試必甲
等尤佐以胤兄弟接踵成名里黨推以爲書香之盛壬子目力
漸衰場中脫稿火廢至場後應正貢適有原事蔣姓者望門哀
懇竟以正貢讓蔣曲全儒官遲至乙卯方貢赴考澄江冒病進
院力疾完硃卷幸有契友何元錫婁子柔扶掖而出報貢後六月
十八竟卒于旅寓陡然聞訃胤兄弟與仲叔唯有相抱而哭哭
而悶地嗚呼痛哉兒女親戚未一永訣也家產遺業未一囑筆
也維時外姻晨來良友宵奔無有不吊而哭哭而哀爲文有蘇

韓之氣諸古文詩稿俱散失未刊先有二陸讀禮草行于世遲
至庚辰之十二月庚申日附墓于祖塋之昭位先叔諱某字仲
鳴別號對薇髮未覆額即文名噪世二王推爲小隊中之飛將
至後試必冠軍文業日益增門生日益進然亦不肯以詞色輕
假後輩衡文必有規矩尤足欽服名流書法在蘇王之間尤工
于楷書有四書手寫抄本至丁酉科不售始決計歸鄉有楚人
泣玉之思卜居于渭陽之後唯以枯棋濁醪時相過從相聚亦
甚適也計入鄉時僅幾十畝未廿年而至幾十項矣里中推以
爲儒素中之猗頓耳然居家亦未嘗習米鹽瑣屑中年幾不勤
筆研計而考原未嘗殿至丙辰應正貢燕都對策售知于曾太史
獻律詩數首典博動都即然一生好濟人緩急每寒溫叙舊使


人歸心善得子母緣中年艱得子至壬子癸丑年間始謀塋親
纜破土即得子馮弟塋祖之年仲叔墓錄中有五乳六男之祥
蓋指孫胤其年亦有孿生二男故也生平多以聖賢自居言志
置祭田贍族增役田便區修家譜立祠堂種種皆未及果行而
殞有三蘇世望扁額入洛草行于世卒于癸亥計二十有一年
尚未卜壤隧中之石俟子馮弟述其行畧也今祠堂已成中有
小軒塑神像二木主東西兩廂俱書室設塾供族中應試肄業
助給薪米內堂五間逢祭奠時內眷居住職管蕭旨潔酒兼助
祭另有祭田約規俟附刊尚有前廡兩廊甬道併種植造橋開
濬須逐年增修嘗記尹和靖建祠堂于上方山適有提舉吳格
者臨其地而式之割公田四十畝以助每年修葺之費則祠堂

之有賴于後人修葺之功不小也孫胤因于本都捐貲置加圩
田廿二畝墳圩田十八畝以爲後日子孫逐年修葺增造之貲
不致頽廢傾圮則追思報本之念更篤焉

崇禎拾陸年伍月夏至日

孫男兆胤謹識

甥封翁沈庭修書諱



Faint, illegible text or bleed-through from the reverse side of the page, visible within the blue-lined border.

西

左昭二位

諱旦字武臣號甘隱庠生勅贈文林郎
配陳氏勅封太孺人子四瑚璉珣琨

關

左昭一位

諱學字舜賢號醉菴
配柴氏無子

祖

主穴

諱昊字季昭號拙菴衛庠生禮部冠帶儒士
配顧氏子四舉旦夔望

塋

右穆一位

諱望字武賢號憶齋
配李氏子一珊

圖

右穆二位

諱珊字思和號保堂庠生
配王氏子五端儀端容端本端甫端化

此塋坐落映崗門水字圩乃武賢公捐已田以築者今量七

十四號該六畝零三毫又祭田五十七號該五畝六分四厘

九毫歷傳至文燁五世辦糧當差

五世孫文燁識

係望之曾孫
冊之孫

已後辦糧當祭者係旦之曾孫季聞季通公兩房後人經

管

西關坟堂神主九位

共記盜存大小樹木八十六棵 石條廿六塊

坟房向有屋三間乾隆七年季聞公曾孫

名 衡者鳩通族

貲修葺并設主于内自怡晚公下共九位

怡晚公位

孟昭公位

季昭公位

甘隱公位


晋川公位

憶齋公位

醉菴公位

保堂公位

南江公位



贈玉山縣知縣甘隱公暨贈太孺人陳孺人敕命

嘉靖十八年九月初七日敕曰朕惟父之教子願望無所不至及子既成立而父不逮養人子之悲其有窮乎朝廷錫類之仁每褒恤其親以昭孝勸忠大典也爾陸旦乃江西廣信府玉山縣知縣瑚之父賦性清貞居家孝友雖窮經造理才茂數竒而福衍慶源發諸令子擅名中外為國令臣一念教忠遠食其報雖違祿養或著潛光茲特贈為文林郎玉山縣知縣歆茲殊渥用衍餘庥泉魂有知培靈後祚

朕惟人母劬勞之恩與天罔極義方之訓理配嚴君故國家緣子貴父亦並父榮母所以順陰陽之義以顯慈慰孝也爾陳氏乃江西廣信府玉山縣知縣瑚之母性資嚴重履操安貞追痛

所天堅持苦節茹辛教子爲朕聞人樛木之歌無間於三宗柏
舟之思不衰於八表式爲人瑞可勵後風茲特封爲太孺人以
廣淑德嗚呼天之福德降惠未涯有子能官足稱嘉樂服茲華
翟尚篤康寧之祐

憶齋公暨李孺人墓誌

叔父諱望字武賢世家常熟縣之雙鳳鄉後徙太倉今爲太倉州人公以早失怙出贅不得朝夕侍吾祖妣因自號憶齋以見志賦性孝友克敦本源幼承家學資亦明敏善紀往事如祖先之嘉言懿行伯祖孟昭公之客情宦蹟歷歷善談以示激勸十八而婚贅舅氏止一愛女即昇公重貲商遊遂棄舅氏後以所有與其嗣子均之及卒喪墓獨任不均責也嗣子以賦役逋累及公慨然以已貲代之輸官卒不一踐公庭蒙斥辱生平重義好施能濟急難疏戚之貧者調急有差事先文林友愛尤篤下逮御臧獲撫孤幼恩罔不周吾城俗重喪祭每爲親舅贄藁率先加厚以成其孝人甚德之中歲徙居者三所至務整潔相宇

間搨先世所藏扁額四壁詩文非舊物不張手澤散逸片楮必
構珍藏以傳每歲時供奉三代遺像陳設滿堂率子孫羅拜其
下以展孝思七十後州大夫用庠士薦敦請鄉飲巾袍儀度宛
如畫中平生不失禮於人人未有不加敬者嗣是益深居簡接
吟咏娛情坐卧一室不容吐渎几案圖書塵不容染白頭相對
蔬食齊眉晏如也耳目聰明手抄卒歲小楷宋刻多遍真所著
有西陽集及和梅花菊花各百詠自適其適不以示人真清修
高潔士也孀母李孺人生於德門性行淑順十四執婦道以至
盖棺中間琴鳴瑟應者餘六十年世稱居家之女多氣高孺人
之處家也事無巨細悉以屬公至於事姑乃能先意饋獻又謂
獨子之母多護短亡弟珊公每訓戒過嚴孺人從旁和之初延

先文林教之攜及不孝不孝時年十四繼延我外舅四山龔先生教之教子雖專意屬不孝緬惟猶子之愛有加無已故不孝父事之禮終身不敢廢不有成立如承重喪事敢不更勉天之福善夫既徵于偕老固將引之弗替也已公病將草不寢而見二老方巾青袍隨行者甚衆聚於宅左之橋畔二老諭衆曰內有善人吾先入汝輩且止二人入拜榻前致詞曰吾主翁聞公正直屈爲土神請即往公驚寤亟命儀孫多備冥資草屨燔以謝之明日述以語瑚不遺一語再越宿而逝痛哉茲事近怪若不足紀正直如公生平無忝對越徵諸往哲事多類此而况幽明感格理不可誣亦足以爲爲善者之勸餘慶從可推也承重卜茲嘉靖己未十二月十七日發引後二十四日安厝應岡門

之原壠畝賴公捐業於始而復得不孝克全於終後先襄成而
寔宥之事可永永矣嗚呼大倫有五人道貴全公未試者君臣
之義焉爾即其忠于人謀有不忠于君謀者乎而况移孝固可
以爲忠也銘曰

德先仁義行先孝友莫爲之先曷貽厥後壯易百爲晚堅一守
卓哉隱翁矍然詩叟細行亦矜大德云懋義重而貧仁存而壽
鬼神所臨正直是祐合璧全歸名俱不朽

不孝姪瑚揮淚百拜撰

侍御晉川公行略 并敕及龔太孺人敕命

嗚呼進生也晚距曾大父幾及百年何敢以臆說誌其略哉然
進距曾大父固遠而距大父甚近竊嘗于總角時得侍左右燕
閒之暇輒聞其略至今不忘也進年將週甲矣迄今不傳誰復
有傳之者是以不媿不文援筆直書聊以載生辰死忌庶幾得
遺響於若存若忘之際俾我後人悉先世以清白相傳繩其祖
武振其家聲勿蹈匪義集慶于門是則援筆之微意曾大父諱
瑚字思誠號晉川原配龔氏繼配錢氏進高祖旦甘隱公所出
甘隱公舉子四人侍御與曾叔祖璉盖同胞而並生者將育時
先有繡衣來歸之夢甘隱公中道見背獨存陳氏太夫人是時
尚甫遊庠家無擔石迨此憫凶雖竭力支吾終于捉襟見肘閒

嘗讀書於虎邱之半塘墅有感世態而題壁曰日日遊人過虎
邱水邊蕭寺少人遊閒門要路渾相似滿耳笙歌獨倚樓又題
虎邱小武當之對曰萬法春隨旗影布七星夜映劍光寒至與
門士及親朋賡和之作甚多此不及載服闕應試南都越京口
而江濤陡作舟覆墜江自分萬無生理冥冥中若有掖之登岸
者行可二里許遙見村落中一燈隱隱因投止宿庄翁一見而
傾倒焉至旦謀欲返棹庄翁弗許亟令其子治裝偕行旋即中
式捷音至猶曰文章未必能如此蓋以其心至虛恐弗敢當也
勉上公車復自念曰太夫人老矣勢不得不藉五斗以資養可
妄異南宮之捷始出仕乎即謁選得江西廣信府玉山縣邑當
要衝使客絡繹頗多送迎之苦往昔舊令時貴往還公饋既豐

私敬尤厚公裁是例以故首揆夏太夫人道經其地親炙其事而嘆賞弗息也其治邑也均徭法以便窮民建橋梁以惠行客興利除弊扶弱鋤強犬不夜吠庭可張羅囹圄肅清頌聲載道邑士民立石紀績貌像而尸祝之進嘗獲睹一聯云五馬歸來無長物玉山伏臘有生祠殆誌其實也迄今邈矣而橋梁如故祠額猶新亦以見公道之在人心不容泯滅三年報最廉聲首推即有南京廣西道御史之命因念考妣未葬特疏懇歸捐捧資營墓于南關之外週圍列石戟門當其前松楸遶其後置墓田以供祭祀擇吉焚黃舉封翁甘隱府君暨陳太孺人之靈而合葬焉嗚呼公有光於兩大人矣墓畢赴延江任所轄墨吏即望風解綬凡巨奸大盜必置重辟廟堂之上朝進疏而夕報可

同曹咸憚之未幾復有巡鹺之命鹽政較江務更繁而治地又廣非曉暢通達之材鮮克勝任公以恬靜寡欲而坐鎮之不可干以私也但知利于國利于民者即便宜行之而利商者不急行商則以賄通於都始不得安其位矣然亦未遽免也則有遷貴州思南府之命用是連章累牘解組而歸奚囊中圖書數卷而已大都公之遇事則遊辦有餘而臨財則一介不苟能爲賢豪借譽亦能爲飢寒借色一諾不渝千里必赴歿後配祀名宦得與世父薇菴公並垂不朽公生于壬子十月十二日未時歿於辛酉九月初四日卯時獨墓南關外之沿鉄塘十七都火字圩南廣寺之東

曾孫兆進受益謹述

嘉靖二十一年十月初六日敕諭巡視上江南京監察御史陸瑚朕惟直隸地方沿江濱海近來鹽徒盜賊不時竊發而南京係根本重地防守時當加謹向因巡江御史安處京城遙度事機巡捕官司則別項差占而徒取其數聲息傳聞茫無策畫以致鹽徒出沒盜賊縱橫地方受害今特命爾巡視上江常川在于安慶住劄崙一往來巡歷分管沿江地方嚴督守備倭并軍衛有司巡捕等官務要整搦官軍兵快人等練習武備精利器械晝夜巡邏遇有盜賊生發即便互相傳報設法擒捕期于盡絕所屬官員如有貪殘廢職玩寇殃民應提問者就便提問應叅奏者叅奏處治其巡捕官員聽爾揀選委用不許別項差占一應江洋事情該與操江都御史計議者停當而行一年滿

日差官接管爾受茲委用尤宜公謹詳慎處事有方務俾責有所歸爾其慎之故勅

嘉靖十八年九月初七日勅曰朕惟周禮備內外之官敦重化本夫之賢必由婦相而成婦之名禮合從夫而顯肆國家褒榮之典豈間存歿哉爾江西廣信府江山縣知縣陸瑚妻龔氏誕于華胄歸我儒賢貞靜幽閒克嫺姆訓化孚妯娌譽洽姑嫜未仕而脫簪珥以供學既仕而勤績紆以助廉壽不稱德中道殞捐汝夫之悲豈不仰望朝廷追恤者哉茲特贈爾爲孺人用慰泉途永綏華裔

東萊李介題保堂公像贊

名不必登仕版而聲華藉甚跡不必托林泉而風義超然揖五
侯不爲之屈而或歛容于監儒揮千金不見之色而或重與于
一錢從容乎韋博厭飫乎簡編古謂逸民哲士真其流亞而深
藏好禮豈足以盡蓋其賢噫處士之容殆百世而可傳

長洲祝允明題保堂公像贊

何以制行曰義何以爲言曰禮何以尊光曰謙何以安泰曰止
何以禦侮曰柔何以澹欲曰理之數者克展也君子卒之身名
康全榮起二嗣封馳之華將不返只幽沉耿光有銘太史彼雖
業上儒都高位其所被亦此澤所述亦此筆耳外而悞傲小夫
則更反是然則君子所得不旣矣乎以諗來世

身附跡亦即殿新堂公新贊


燕我豐宜以心盡蓋其博觀寡士之容故百世而下軒

一變於容平章新扇於平簡縣古蹟與月皆士真其然五而聚

對不偏生屈而夜燠容子望瀚軒千金不長之角而夜重與于

子不必登甘歙而歡華謀其相不必林林泉而風蕙然然對五

東英李介張科堂公新贊



祭陸孟祥 載浮沉漫草

司空張輔之 容字

嗚呼數有必至物有固然推之天道人事其盈虧消榮息瘁存亡互爲倚伏皆有可必而何獨吾孟祥不可必耶昔人云積不厚流不遠窮不極發不大故自昔詩書禮義之家一傳再傳而不發則其淵源必不可淪沒而憤盈必至於發洩吾孟祥家世詩書禮義而乃公太初兄以文行赤幟州庠爲三吳名士何難博一第以光先烈究以一歲貢謁選又待次數年而齋志以殫聞者哀之謂成先志而大陸氏者必在後人矣且吾孟祥少穎異爲諸生食廩餼甚早人咸曰駮耳騏驥應一日千里太初兄其不亡乎乃困頓場屋亦幾三十年而今歲之季夏督學使者例當論選士而升之學吾孟祥以是往蓋以是爲一日千里嗚

矢而胡以遂病即病胡遂不起耶豐獄之紫卒掩精光吳門之
焦竟成絕響豈天道人事之常耶豈累世詩書禮義欲起即仆
尚積未厚而窮不極耶抑不發之身而尚留之後人耶抑亦振
振者絕筆魯史而噦噦者鳴於高岡耶凡此皆理之不可知而
數之不可測者惟是余兩家爲三世交而余與太初兄交尤善
孟祥以父行視予而予醜然以小友待孟祥即鄉城異居而歲
時伏臘未嘗不相見每見輒爲卜夜之懽油油然家人骨肉之
情不啻矣乃今天阨其遇復奪其年嗚呼不死何必以貢仕而
不貢或不至客死則孟祥之數太竒而天之待孟祥亦酷矣寥
寥宇宙何處不可容此善人而酷之至此耶予老矣曾不兩月
昨哭罔伯今又哭孟祥不覺神魂之幾喪而語次之不倫百年

大慟九泉一滴靈其鑒諸尚饗

司空張輔之 容守

蓋嘗論今世友朋生死之際豈不甚重矣哉生因重死尤爲重
重則情至也文亦至也仲鳴奄忽棄世凡四閱月矣予念之何

忍忘而猶未能匍匐一祭非不得於情也不得於文也蓋老不

能文老而猶然汨汨世網中不暇文也文可致而情不可致

遲遲至今可也予先司空居婁之西關獲交於仲鳴之祖南江

公至公之次君太

社論文

就廷

相

佳

尚積

振者絕

數之不可測者

孟祥以父行視子而子醜然以小友待孟祥即鄉城異居而歲


時伏臘未嘗不相見每見輒為小夜之懽油油然家人骨肉之

情不啻矣乃今天阨其遇復奪其年嗚呼不死何必以貢壯而

不貢或不至客死則孟祥之數太奇而天之待孟祥亦酷矣

寥宇宙何處不可容此善人而酷之至此耶予老矣曾不兩月

大壘亦泉一箇靈其壘齒尚覺魂之幾喪而語次之不倫百年



祭陸仲鳴載浮沉漫草

司空

張輔之容宇

蓋嘗論今世友朋生死之際豈不甚重矣哉生固重死尤爲重
重則情至也文亦至也仲鳴奄忽棄世凡四閱月矣予念之何
忍忘而猶未能匍匐一祭非不得於情也不得於文也蓋老不
能文老而猶然汨汨世網中不暇文也文可致而情不可致寧
遲遲至今可也予先司空居婁之西關獲交於仲鳴之祖南江
公至公之次君太初公以文赤幟於州庠與予交善也無論結
社論文素所規勸種種皆骨肉愛即予薄遊長安而公以恩選
就廷試怏怏不得意而予時予役中州憂苦疾病數千里朝夕
相慰勞不殊手足患難之情公之長君孟祥次君仲鳴視我爲
伯叔行嗣家於鄉而入城不遐諸交遊而必先過予予得之促

膝論心卜晝卜夜甚樂也屈指先後間不十年而太初公逝矣
不十年而孟祥逝矣所幸仲鳴尚在恍若見其父兄而今竟亦
溘然逝耶人稱二陸兄弟而與其父可彷彿蘇眉山乃皆高才
能文不獲徼一第而終貢士享年俱不及中壽何天畀之才而
阮其遇厚之德而奪其壽也天其可問乎哉問之天而天無以
應子亦付之一慟而已嗚呼陸氏之父子兄弟皆清士也而仲
鳴僅以勤苦有家其子尚幼其諸叔兄弟必善撫之使大有成
立孰謂天終不可問乎子老矣不能憑棺洒淚以盡生死之私
特遣兒子輩搯予言酌尊酒以冀九泉之一滴尚饗

先祖暨先父叔祠堂記

崇禎歲在癸未孫胤經理墓道開濬水口以會三合水聚於明堂立羅星以鎮守捍門又于祖道之坎艮旺丁方捐貲建造先祖父叔祠堂因爲之記非敢以志祖父之墓也亦聊以編年記月每逢春秋二祭務聚子姓之精神以示追思報本之念耳先祖諱某號太初生于丙申卒于壬辰享年五十有七御史公之贈君生文夫子四長即御史公四房即先曾祖號南江亦未及六十而逝向停柩于贈君之墓旁癸丑年塋祖先父叔竟未以先曾祖主穴遲至十年後先叔亦捐館孫胤時亦習堪輿家偶見贈君祖道後有一小結穴甚藏聚亦小有分合遂捐貲幾金購此地而阡焉則今日之祠堂遂衍祖穴爲主比有同高祖弟

云當以贈君為主設像以冠帶爲重孫胤泣而嘆曰先祖之困
棘圍者十有三先父十之一先叔十之二某弟兄併弟侄男相
繼以走棘圍者幾四世矣視科第如登天即先祖父叔廣文之
冠帶不及例受即例受亦不及享冠帶胡爲乎來也記范文正
公祠堂祝文語云學冠天人義敦九族放諸四海而準能動萬
物之誠豈區區富貴利達銜耀于須臾者可同日語哉誠哉是
言也先祖奉事曾祖母陳氏至孝曾祖母享年甚高祖先曾祖
母而棄世曾祖母哭之哀因而喪明先祖祖母凌氏姑嫜亦甚相
得其佐內閭也四壁蕭然終歲治庖必取賒于隣店每季以脩
金分給緝績不繼典之以簪珥時有嫡祖叔者三有堂祖伯叔
者三羣聚於堂供膳無倦容和顏以睦族婉色以御下相傳以

先祖之後衣冠不替推為祖母之女德云迨二姑之適於沈待
人以和接子姓族人以仁有祖母遺風及庚辰年葬父孫甥雲
祚適成進士歸冠帶以祀土泉下之靈喜可知也先祖未弱冠
補博士弟子員試必甲等膺己卯選貢諸生執經者動郡邑有
文冠江南扁額古文試論行於世至癸丑十月己酉日葬於十
五都之八圩先君諱 字孟祥別號載薇生於嘉靖庚申卒於
萬曆乙卯享年五十有六乙酉與仲叔聯名首拔冠場次年歲
試即食廩以後每試皆前列一生行誼寬厚有執友張姓者以
妾被訟欲投井自盡先君挺身理其抑有母黨兄弟俱在庠被
族陷訪學憲不惜于當道緩頰平其冤然意惟欲隱其事不肯
援以為德也嘗以熱腸代人之急亦不苛人之償至末不必焚

券而自不來償矣性溫溫如玉有王謝風善奕至中年多病嘗
記執友曹周翰每致柬囑先君寡欲養生先叔早種子前輩之
氣誼如是庚子癸卯後尚歷歲棘闈時胤兄弟亦接踵成名里
黨推爲書香之盛壬子目力漸衰場中脫稿火廢至場後應正
貢有原事蔣姓者望門哀懇竟以讓蔣遲至乙卯方貢赴考澄
江力疾完硃卷契友何元錫婁子柔扶掖而出報貢後六月十
八竟卒于旅寓陡然聞訃胤兄弟與仲叔惟相抱而哭哭而悶
地嗚呼痛哉兒女親戚未一永訣也家產遺業未一囑筆也惟
時外姻晨來良友宵奔無有不弔而哭哭而哀者爲文有蘇韓
之氣諸古文詩稿俱散失先有二陸讀禮草行世至崇禎庚辰
十二月庚申日附葬于左穴之昭位先叔諱 字仲鳴別號平

鄉髮未覆額即文名噪世二王推爲小隊中飛將至後試必冠
軍文業日益增門生日益進不肯以詞色輕假後輩衡文必有
規矩名流咸欽服書在蘇王之間尤工于楷書有四書手寫抄
本丁酉科不遇始決計歸鄉有楚人泣玉之思卜居于渭陽之
後惟以枯棋濁醪時相過從相聚亦甚適也兼治生產入鄉時
僅幾十畝未三十年而至幾十頃然居家亦未嘗習米鹽瑣屑
中年幾不勤筆研而考原未嘗殿至丙辰應正貢燕都對策受
知于曾太史獻詩數首名動都下一生好濟人緩急使人歸心
中年艱得子壬子癸丑年間始謀葬親纔破土即得子馮弟是
年胤亦孿生兩男同時並生男者復有三人故葬錄中誌五乳
六男之祥嘗欲置祭田贍族增役田便區修家譜立祠堂皆未

及行而卒有入洛草行世與先祖父並負盛名故當事有三蘇
世望扁額卒於癸亥尚未葬此子馮弟之責也今祠堂已成中
設神位東西兩廂設塾供族中應試肄業助給薪米內堂五間
逢祭奠時內眷居住職管酒餼并助祭另有祭田約規前廡兩
廊甬道并種植造橋開濬湏逐年增修昔尹和靖建祠堂于上
方山適有提舉吳格臨其地而式之割公田四十畝以助每年
修葺之費則祠堂之有賴于後人修葺者不小因于本都捐貲
置嘉圩田廿二畝墳圩田十八畝以爲後日子孫修葺增造之
資不致頽廢傾圮則追思報本之念更篤矣崇禎十六年五月
夏至孫男兆胤識

秦初公墓誌

封文林郎四川華陽縣知縣甥沈廷修書諱

涓涇祖塋主穴秦初公昭穆穴孟祥仲鳴兩公而祠堂實孺開
公一人出已資獨造遂定孟祥公後當春祭仲鳴公後當秋祭
外尚有秦初公後各分子孫卒者亦入祠生者亦與祭但拜神
飲酒不責其當祭而位漸多人日衆費益甚當祭者勉力以應
遵孺開公遺訓也近議後入者每位公置銀三兩生息逢祭各
出貼祭銀三錢而不得產以垂久遠終非善後之計至所載祭
田係孺開公自己掌管收租動用歿後再傳分析時竟未申明
扣出子孫雖辦祭掃而田已成烏有今不可復矣

湄涇祖塋圖

昭穴載薇公 孟祥

主穴泰初公 道南

穆穴平鄉公 仲鳴


祠堂神位

泰初公位 載薇公位 平鄉公位 季聞公位 季通公位

子義公位 翀之公位 孺開公位 君章公位 子馮公位

莘菴公位 伊程公位 濬初公位 臣如公位 右桓公位

在公公位 在衡公位 公錫公位 青闈公位 暉谷公位



祭文

顧懋康

諺有之歲龍蛇賢人災嗚呼應之矣康年十六游學婁江距婁江五十里海之大觀在焉康于是讀莊子逍遙秋水諸篇而後嘆莊子之善言海也曰吾安得一若海之所爲大觀者而師乎頃之聞婁江之上有二陸先生世比之機雲喟然嘆曰大觀在茲矣乎遂受業于吾師十餘載于茲甚樂也師於書無所不讀上而龜馬墳索下而莊老之於道申韓管晏之于事功以至漢之譎諫經濟游說紀載說理之文蔑不殫心焉而唐之詩賦則以當吟歌也晉之清言則以當噴吐也宋之名理則以當辨說也風雲月露之章亦命之曰笙簧稗官野史之筆亦命之曰鼓吹非所謂學之不厭者歟痛哉而今已矣絳帳無色總惟有慟

鍾期死而伯牙之絃絕惠施逝而漆園之論收而况秋陽失光
江漢爲涸門人相與議有若似聖人之際乎抑又悲矣且也國
家設制科越三歲取明經士吾師無歲不與焉今歲在乙卯挾
策應天子詔試貢僉曰庶桓榮稽古之功于斯効焉而詎意造
化之不仁又爲其所賺哉雖然昔者夫子不得行其道于天下
而未嘗不以學與誨二者爲萬世木鐸朝聞夕死之論倘亦有
激乎言之抑嘗讀唐史而深有慕房杜輩兢兢守師說相天下
勲業爛焉而康也將毋傳不習是懼然明德之後必有達人其
在師乎又焉用懼也但曰海水竭百川咸懼則今日數行能不
作華亭之鶴一唳師墓木乎蘇子祭歐陽公文有云軾上以爲
天下慟而下以哭吾私不亦誠悽然情至之理哉

陸振虞先生小像贊

友人王伯稠世周甫撰

先生平原之後裔而世流其芬芳含滄海之精英而誕生於吳
邦龐乎其容渾噩而莫探其際朗乎其色冲遠而自呈其光清
眉秀髭目炯神默似蓬山之列仙疑竹林之六逸先生爲儒而
慕朱家之賢豪先生好俠而守老氏之雌黑居寄廛市心在乎
烟霞跡隱人羣趣樂乎空寂憑高閣以流睇入雲林之蒼茫愛
屏跡于幽園狎禽魚而偃適鑿真止之妙理豈營營而不息乃
呼逸侶乃命騷客共四壁之卧游縱千里之披繹飛白雲以邀
月花酣清觴而送朝夕追漆園之達生笑金石之徒積斯其爲
覩先生之像而得先生之衷者耶 先生諱文燁字仲華別號
振虞仰虞陸公之次子生於嘉靖丙午十月萬曆辛亥之歲得

筭六十有六遡其得子之年五十有六數竒運厄厥惟艱哉秋
之菊月余游于婁江之上借源長趙君長吉曹君過訪于雲林
閣坐有畫史戴君理貌先生小像即懇余爲贊余識先生之素
誼不能辭遂爲之援筆而未能悉先生之隱德也姑并記其生
辰姓氏而識之

陸仲華先生六十序

華亭友人陳繼儒撰

余少好曠間考室山澗覆以茅椒將以爲灌息寤寐之所而蹈道不果強向人間授書每思梁武有云賓客簡通公卿罕預常誦而愧之間于瑯琊絃誦之暇與二三同志行游郊墟晚得陸仲華先生蓋婁東隱君子也陸氏自薇菴晉川兩公以風流文采照映一時而仲華繼之仰藉先闕風軌穆如孝友恭儉信於里黨蓋嘗隸博士之籍者三十年而才高數竒遂此不復與群從襖裾爭席矣南郭之陽有墓田在焉先生于是漉泥菱草穿池引流地不求方幅樹不問位次藥欄竹塢參差蔚薈臨之以草堂樊之^以椽垣析之以柏徑蔬圃紅橋翠幕綠窗素屏先生曰高枕讀書甚樂也余嘗一過訪盤飧錯進觴奕間作竒茗異香

不速而至倚孤亭坐盤石出視籬落之外江檣亂飛田塍如織
主客俱在圖畫中但憂老耳先生捧腹笑曰君非知我者僕六
十飲噉不少衰入抱膝下兒出對座上客登壇賦詩如幽燕健
將爲人排解紛難如關隴十五俠少年其他掃籜買花種魚洗
鶴殆不知老之將至余曰有是哉先生者蓋不官之淵明不貧
之榮啓期不抱甕之漢陰丈人而有子之白樂天也且今甫六
十余齒有隨當歲歲過婁東與先生共尋人外之樂度手種樹
已徑園兒讀父書稱知名士矣

子義公六十壽序


陸文獻足吾先生撰

嘗攷陸氏入本朝以文章勲業顯名婁左至道南老師暨孟仲兩世兄聲華才望一時並擅眉山雲間今古頡頏焉猶憶及門時余同兩世兄齊肩握手酒社詩壇談笑款洽相樂也已而揮毫伸紙余呶唔丙夜燈火青熒而孟仲淋漓落墨頃刻雲烟才之不逮又相遠也及夫出處浮沉山河舉目然每一念至恍如昨日而孟氏長公子義脩已周一甲稱華觴矣噫流光如駛髀裏肉生以子義之材不獲追風逐電馳驟天衢而咄咄以文學老且扶鳩杖擁璣瑜甔醕稱壽翁也子義愠乎哉余謂子義勿愠也陸氏自道南老師暨孟仲兩世兄其材咸一息千里而並以明經賁志壯盛之歲早赴玉樓僅有詩文翰墨照映千古求

其龐眉皓齒杖履優游幾幾爲人世間未有事而子義獨頽然
以中壽稱則化兒之相子義視乃祖乃父洵亶且厚矣子義勿
慍也夫人生行樂耳姚姒三杯子姬一局而況區區進賢何足
當腐鼠一嚇獨有大塊芳年天倫聚順爲昔賢所愧嘆余觀子
義喜讀父書克光先緒文不加點匠心入妙試不競物蜚譽勿
驚昆季之間更相郁郁咸底大成雖世兄文雅精華太洩未免
爲造物所忌而名士風流百年未墜令嗣濬初益以少年英妙
執耳詞壇兩試南都字落紙貴文孫濟濟岐嶷夙成千秋大業
昔人未了陰有所寄子義超然畦徑達觀形骸未及壯遊慨然
投筆每借良朋三四輩議論興替慷慨增懷其視塵世浮榮漢
如也有秫田數頃官輸之外以供賓師羔豚旨酒洗腆甘肥所

居半村半郭廳事左右葵菊萬株精舍數楹傍水依竹風晨月夕徜徉其間或同韻友賦詩或聽小青度曲或寄傲于樗蒲或調息于棋茗花開酒進興至琴橫心恬體寧俯仰無媿此真天倫之至樂而大塊之完人也子義喜乎哉買錢公人倫水鑿採輿人之誦進子義而飲于鄉當事者僉曰得人浸假而七十令嗣名以策于廷子義因以杖于國諸大夫從而觀容焉浸假而八十諸孫姓以登于書子義因以杖于朝聖天子從而乞言焉此皆種德者自然之餘慶而因材者必介之景福也子義喜乎哉余耄矣迴翔進退每感道南老師暨孟仲兩世兄高才未貴而樸遯如余反竊祿中朝又以不善于譽未足爲師門光寵故於子義之壽也不覺歡喜愛樂之極而爲之詞如左。

隔空以策于我子燕因以林于園前大夫於而瞻容為憂對而
 與人之爾並子燕而於于爾當事皆食曰骨入與對而子十令
 論之至樂而大與之定入少子燕喜于若實送公入翰水望終
 隨息于燕茲并開爾並與至琴歎以剖蠟寧柳叶無與此真天
 又欲其間友同語交規指如燕小青與曲友善於于燕燕友
 言半林半瘴飄事空衣葵葉萬林散舍樓對對水於竹風景月



孺開公墓誌銘

唐孫華撰

公諱兆胤字孺開號湛軒世籍太倉人陸氏之先如叅政孟昭
公諱昺侍御思誠公諱瑚並舉甲科爲顯官子孫繼之皆文行
修飭爲通儒正士故吾州陸氏以詩書孝友務本力田世其家
其爵位顯榮聲勢翕赫或不如他姓至其醇行孝謹鄉黨推爲
仁德之門則必曰陸氏公之祖恭初公諱端御父孟祥公諱文
麟與其弟仲鳴公諱文鳳俱以文章負盛名爲同里王文肅公
所器重時入比之雲間二陸卒不得志於場屋俱以明經終公
五載喪母寄養外親家自爲童子即發憤讀書朝磨夕淬思自
樹立而所學大進從師練川練川有耆儒朱翁者奇公才許配
以女遂爲贅壻于朱氏居練川之葛隆鎮後復還太倉凡數遷

而居始定時已補博士弟子員愈自刻厲文日有名繼而屢試
鎖院不售乃益務讀書治生田疇歲增家亦漸起朱孺人一乳
生二子及長公延名師訓之復親加程課俱爲名諸生公孝友
純至內行修謹葬其祖父如禮復獨於墓旁營建祠堂前榮後
寢閤廓覲深規模翼然春秋祭畢率宗族子弟餽飲其中使之
毋忘祖宗且以聯伯叔兄弟之好至今相承不易禮也又嘗於
州之北鄉闢園廬課農治圃謂吾家世世以孝友力田爲本務
令子孫於讀書之外知稼穡之艱難也公兄弟四人友愛無間
其仲兄業頗饒無子以公長子陞爲嗣公諭長子曰若居嗣父
喪知盡哀而已何忍因以爲利遂以田數百畝分給族人及仲
兄所撫甥施氏子其餘產與嗣父之女夫吳氏中分焉室中之

羸者又盡讓以予吳氏嗣子亦承公之教無競心也公性好施
間里親黨中緩急扣門必加周卹未嘗以無爲解有貧士張某
者館于家卒被病不起爲視其含歛又買地而葬焉御臧獲以
寬有奴竊室中物以走公適見之陽爲不見而避之佃農負租
甚多公不加督責反資以金其仁厚矜恕多此類也晚年闢後
園亭池爲娛老燕息之地時與里中士大夫之高年者相聚宴
飲迭爲賓主曰十老會酡顏白髮望者以爲神仙州大夫重其
名行而舉飲賓人以爲允性嗜奕棋日長無事清簾疎簾每與
客對奕戶外聞鏗然落子聲亦未嘗有所忿爭如謝弘微之投
局也家居坐客常滿圍棋白擲六博意錢之戲不廢于前飲酒
歌呼談笑大噱至夜分不倦後得末疾者六年猶能步履時課

諸孫爲文有所改定以左腕書字間爲時文口授諸生書之雖
少年工文者亦嘆服焉公次子榮以明經高第需次吏部當授
縣令將得祿以養已而病卒公自此鬱鬱不樂越二載遂屬疾
不起元配朱孺人爲練川右族婉婉有婦德女紅織紉不辭勞
肆拮拾擘描織悉必親湛軒公之能植其業孺人有助焉朱翁
夫婦歿孺人爲之營墓春秋祭祀無失時女嫁王氏者早亡撫
外孫王烈如孫教之讀書爲之婚娶俾得成立性嚴重姘尼巫
媪不使入門婢媵左右無敢陝輸流視者閨門之內肅如也先
湛軒公卒夫所謂詩書孝友務本力田者固陸氏之家教也詩
有之以介我黍稷以穀我士女穀之爲言善也王肅云倉廩實
而知禮節也又云攸介攸止蒸我髦士鄭氏箋云耕作閒暇則

於廬舍及所止息之處以道義相講肄以進其為俊士之行古者耕且養三年而通一藝故詩書孝友者身之所由成也務本力田者身之所由立也二者失一則驚悖之習生而非僻之心起觀吾鄉巨室強家一時或富貴熏灼赫然動人一再傳而室廬化為邱墟子孫降為皂隸獨陸氏之後人類皆不失其業老屋巋然田疇如故且能以文章科第振其家聲固由世德之厚亦家法之善有以貽之也公生于前明萬曆十三年七月十七日卒於康熙三年九月二十七日享年八十朱孺人生於前明萬曆十四年三月八日卒于順治十二年四月八日享年七十七子二人長陞州庠生出嗣世父兆舉娶顧氏次榮嘉定縣學選貢考授知縣未仕卒以子毅貴贈文林郎江西南昌府新建縣

知縣娶黃氏贈孺人女一適州庠生王懷章孫五人陞生者二
藹娶王氏早卒蔚州庠生娶陳氏榮生者三弘娶王氏早卒毅
康熙戊辰進士江西南昌府新建縣知縣行取候補知事娶顧
氏封孺人純娶吳氏孫女六人曾孫男八人多彬彬鄉學曾孫
女十一人元孫男三人元孫女一人嫁娶皆名族公之孫蔚毅
純卜以康熙辛巳九月六日合葬于十五都墳字圩之舊阡毅
與予同年相善也因乞予爲銘予不獲辭乃爲之銘曰

陸氏世緒盛于江左四姓並稱重條布葉逮茲苗裔子孫繩繩
沙溪之北穿山之畔俊髦聿蒸陸氏之教以詩以禮有田有塍
公之立身孝友順祥至性蒸蒸公之待物篤於風義厚於友朋
賢媛相之修業而息式廓以增蕃衍肇祥誕彌厥月並獲二雄

古叶韻帶經而鋤持竿而讀奕世是承豈無盛門剪焉傾覆不兢

亦凌綿綿陸宗祖訓無替儒風服膺膺厚先疇保艾爾後敬念

高曾翁播弗收子獲弗食及孫乃興廷尉高門比于賜策曰惟

休徵鬱鬱宗岡過者式馬下馬之陵積善而昌施于孫子爰及

雲初不素近雖尚壯弁也然每歲未嘗不相見迨余歸選于

子已歲妙有詩城之役四聚別於開翁表叔之堂飄明年歲之

壬午有老父六十五是也六十之鴈前出都門時有諸同門謀


以去子及故膝下歡惟賴諸真

...

...

...

三原宗普
孺開公墓誌銘四
乾隆己卯年修



九月六日合葬于十五都墳字所之舊所殺

垂

銘于不獲解乃為之銘曰

木始營營宗岡也故左魚不魚之刻赫善而昌樂于新子受及

高曾從辭弗如于藝弗食又終以興其掃高門北于思萊曰新

亦妻縣縣封宗時無替爵風阻藝無單夫翻射艾爾登婚念

古如帶懸而懶林草而藪奕世長承豈無盜門意焉耐露不效

六十雙壽序

表姪沈雲祚撰

平原陸氏余祖母族爲州著姓其先代有賢達至外太祖泰初公暨孟祥仲鳴兩舅祖並以文章推重海內孺開表叔復能續孟祥公之緒而廓大之余以至戚少隨父母後往來過從薰炙其休者有素近雖南北奔馳然每歲未嘗不相見迨余謁選于辛巳歲杪有錦城之役因聚別於開翁表叔之堂隔明年歲之壬午有老父六十五老母六十之觴前出都門時有諸同門謀一言爲余父母雙壽祝余一子不能居家效膝下歡惟賴諸尊長至戚相聚代侄一舉觴隔明年即有開翁表叔嬪之雙壽雲祚不揣固陋欲留一言以記其年譜不謂諸同社兄弟先有揆年聚慶之約今年祝某尊人明年祝某尊人此亦人子天人第


一樂事視不肖以一官遠羈景況殊隔也于是有二三兄弟曰
甲申之仲秋該開翁六十謀一言以進於堂下開翁蹙然力却
之謂身既隱矣焉用文之况一生虛度無德以著里閭使諸同
社知而言之若猶是不知而言也是言其所無也但就目前懿
行棄經生業後嘗欲求一極便宜極省力事學之便宜莫如學
道省力莫如念佛其于出世度世處處着脚可謂知解已徹而
攝生善全也又時當撥亂負天官河渠屯紲兵律之學究極始
終切中當宁無上書請纓之氣時當庀材旁及青烏玄緯彈棋
擊鞠諸小道而不名一藝無稽鍛謝屐之癖若乃天賦勤朴不
習熊鳥經伸不事甘鮮輿馬而貌澤神和性畏杯斝而嘉客良
辰觥籌交錯子夜興勃無倦容曠懷亮節耻談阿堵有子荆之

苟合而田園稍拓堂構時恢翁孝友如萬石君急人患難如魯仲連以天下爲己任如范希文固今日山中救時相也于是又有二三兄弟曰乙酉季春值開翁之夫人朱母六十即謀所以雙壽以進一觴則朱夫人尤力却之且戒其子曰吾聞古賢母欲以善養不必以祿養所謂善養者正不欲如世俗之列幣烹肥以爲壽不過茹素捧經戒殺持齋貽老人以安而已憶同社習于開翁舍篝燈呶唔雖寒夜不輟紡織聲即今戴白而勤劬猶昔賴其餘貲歲歲一置業或以佐兩郎君役考斧資相夫訓子御下治家動合古則但開翁以和孺人以嚴內外童僕無不畏肅以節儉嚴撻著一索而得二雄即同社所交臣如右桓咸稱人龍有新命馳譽滿都門造物亶竒錫此嘉祥計毓源於練

川則朱母之沐邑也于是又有二三兄弟曰是年應臣如右桓
捧觴以祝兩尊人謀所以善言者贈言善書者贈書則臣如右
桓又力却之曰聞非君土無以處親非君祿無以養親非君爵
無以尊顯親今年已三十餘尚爲諸生以縫掖揖酒堂下不如
其媿謝也不知孟夫子王天下之樂不與者兩兄寔居天人之
勝以怡怡之室效膝下之歡又見孫枝挺秀家學振興即菽水
之觴未嘗不孔甘而今日同社之舉亦不過寫其聚樂之圖而
浮華非吾事也兩兄之立身行己志業相承過失相規外以窮
與通早暮置之度外而未免各爲其親勵三冬勤學類方朔之
雄才萬卷嘗親等鄭玄之逸氣珥筆玉堂待漏金門直旦夕間
事耳猗欤此同社之爲表叔嬭祝也家嚴則于癸未秋從家郵

致壽曰開翁表叔建祠堂以崇祖考廣祭田以兼睦族此二者
真仁人孝子之行後日衣冠當無替即開翁亦可稱仁者壽雲
間陸大宗伯年九十五嘗語陳仲醇曰天地如逆旅人生其間
如僦屋而居期滿年至主人見索亦須歸之仲醇曰然若僦屋
者不得罪主人謹身節用睦隣敦族主人愛之多住幾年亦未
可知如開翁孺人者所謂僦屋百年未嘗得罪主人方將用廣
廈長留爲廡下居人久而安習而忘焉其誰索之余不及親捧
觴無已請遙祝曰渭陽宗譜自幼稔悉家學淵源自幼磨治值
隆興之世思得先世宣公之剴切象山之理學以翼贊之即大
叅侍御猶以掃倭護閩之功保障一方貽厥孫謀于是外太祖
以眉山世望之譽文學冠江南積德累仁已非一日光昌粹美

盈于家室開翁直任運而取焉而何限于大年何奇于晚福但
得目觀太平身履康衢移其壽身者而壽國相與共祝華封寧
有窮已



[Faint bleed-through text from the reverse side of the page, including characters like '壽', '國', '相', '與', '共', '祝', '華', '封', '寧']

贈侍御公及黃太孺人敕命

制曰宣猷服采中朝抒報取之忱錫類推恩休命示酬庸之典爾陸榮乃巡視中城陝西道監察御史陸毅之父令德踐修義方夙著詩書啓後用章式穀之風弓冶傳家克作教忠之則茲以覃恩贈爾爲文林郎陝西道監察御史錫之勅命於戲篤生杞梓之材功歸庭訓丕煥絲綸之色澤及泉臺

制曰壹教凝祥懋嘉猷于朝宁國常布惠揚休命于庭闈爾巡視中城陝西道監察史陸毅母黃氏勤慎宜家賢明訓後相夫以順含內美於珩璜鞠子有成樹良材於楨幹茲以覃恩贈爾爲孺人於戲昭茲令善之聲榮施勿替食爾劬勞之報遺範長

垂

康熙四十二年三月十八日

制曰求治在親民之吏端重循良教忠勵祇敬之忱聿隆褒獎
爾陸榮乃江西南昌府新建縣知縣陸毅之父裨躬淳厚垂訓
端嚴業可開先式穀乃宣猷之本澤堪啟後貽謀作牧之方茲
以覃恩贈爾爲文林郎江西南昌府新建縣知縣錫之救命於
戲克承清白之風嘉茲報政用慰顯揚之志昭乃遺謨

制曰朝廷重民社之司功推循吏臣子凜冰淵之搯教本慈幃
爾江西南昌府新建縣知縣陸毅母黃氏淑慎其儀柔嘉維則
宣訓詞于朝夕不忘育子之勤集慶澤于門閭式被自天之寵
茲以覃恩贈爾爲孺人於戲仰酬顧復之恩勉思撫字載煥絲綸
之色永賁幽潛

康熙三十六年七月十九日


我太倉陸子毅知新

系考授額外主

歸故里營

又林部


字



平原宗普

贈侍御公救命二

乾隆己卯年修



帝曰

爾

宜訓詞于朝夕

茲以

東照三十六年十一月十六日

合葬墓誌銘

黃與堅撰

我太倉陸子毅知新建縣五年著聲績巡撫馬公薦於朝召至京考授額外主政例應即拜職毅以亡父母久厝在淺土趨趨歸故里營窀穸今卜吉於康熙四十年九月初六日奉其考贈文林郎知縣陸府君暨妣贈孺人黃氏之柩合葬于十五都墳字圩之故阡持狀來乞銘余喟然曰君少時踔其材不遇于世以奄歿距今四十年得以被朝命少酬其夙志而毅尤汲汲焉反而定宅兆以安二人之魂魄是疏已爵以厚於親孝道之至也銘其曷敢辭陸氏裔始晉司空玩其後枝屬散居海上累傳至君八世祖諱瑜贈刑部清吏司郎中六世祖諱旦贈玉山知縣以子貴稍振起再傳諱端御貢生是爲君曾祖生子六人文

麟文鳳俱選貢有聲文麟第三子諱兆穎君父也兆穎府學生娶朱氏嘉定某女淹洽精地理相外宅西偏指爲雙蜚格築廬舍居之孿生得二子人以其爲異驗云二子長曰陞次曰君君諱榮字右桓性至孝少與其兄侍奉竭誠敬一進退輒伺唯諾無遽率大小事委曲承順務得其懽心有不豫長跪請需意解乃起偶疾晨夕省視不少間與兄陞極友愛幼同寢食壯同學同生產一心無嚮背余聞之嘆曰此古之道也古之孿生者率以先爲幼後爲長若祖甲之命嚚與良是已迄漢猶然迨宋司馬氏定家法始以爲長先而幼後從之以迄今古之人夫豈不知其序若是顧以爲一乳猶一人不必以先後爲差別而故錯行之以見其道有如此若君之始終無爾我其猶處今世而以其

之始于古者欵君素行醇謹又嘗濡染于家訓能以其道遞推
之鄉黨其凶妹爲親所鍾愛拊孤子若已出教養備至親朋有
危急輒拯救貧困不給者以時賙恤之無倦色待臧獲具雍肅
族子有不率仍厲容刻責不少假人以此嚴重之君白哲姆弱
不耐勞苦故自錢穀會計及租稅之入皆其兄爲之主辦不以
纖悉累其弟君得以一意專于學所爲文極修整見者輒貽愕
試于膠補博士弟子時膠文風尚古朴君以瑰麗之筆句研字
削蹕厲其間院試輒居首獨家蘊生與頡頏之二君一以經學
一以詞藻每于場屋瞪目相嚮劇鉢肝腎竭其經營各不足繼
之以燭雖巡視者叫噪相迫蹙若不聞迨譙急學使者坐堂上
將扃鐺門禁仍從容繕寫拱而退主試者往往目送之卒之榜

發兩人皆最上。繆亦交口爲折服。顧屢試省會不一遇。順治辛卯貢入太學。廷試授縣職。踰三年丁母艱。哀毀過禮。又數年將北上。就選牒疾驟發。一夕卒。人惜之。君生于故明萬曆癸丑年十一月某日。卒于康熙元年九月某日。享年五十。原貢生授知縣三十六年。以覃恩贈文林郎。江西新建縣知縣。配黃氏。文學諱孚德。女生于故明戊午年十一月某日。卒于康熙二年十月某日。享年四十有六。以覃恩贈孺人。其淑德懿行載毅行略中。子三人。弘早卒。側室楊氏出毅。戊辰進士。新建縣知縣。今奉行取考授額外部主事。孺人出娶顧氏。太學生諱倫。女封孺人。純側室薛氏出娶吳氏。諱譽。施女。女四人。一適龔垣。一適吳澣。俱孺人。出一適楊霖。一適張一桂。學生俱薛出。孫男六人。孫女六

人曾孫男三人曾孫女一人當君之歿也毅纔九齡陞以君生
平委曲告之毅聞而流涕前此未之或知也余故與君善曾與
偕試于澄江見其力學之勤苦亾何而早世以是知君之後其
必有興也余門周象明爲里中師諸名士皆其高弟子嘗謂余
言能得文章三昧者必陸子余又以知毅之篤于學其必于世
有所遇以顯其親也今已驗顧毅方發軔爲朝廷擢用將來所
以褒寵泉下者未有量余敢僅以今日爲亾友之遭乎而毅以
一少孤能早自奮爲家門著顯庸余又能毋太息乎茲者追維
既往邈若隔世而余以後死之年猶及見君之葬能以頽齡憊
息次君軼事而銘其藏是可感也銘曰

鴉浦之東塗松北洪支昔此剪茨棘比築土昉卜方中猶反故

疆引新墨沙脉通土膏出矧兹父子一氣歸其宅海潮日南迴
曦光迥推斥天章佐之貴重泉父老聚觀爭嘆息曰惟大孝根
柢深英華代長成丹寔我作此銘無飾辭以告來襍承無極

白米涇祖塋之圖

左昭三位

諱榮字右桓號遜與嘉定廩膳生選貢知縣
誥贈文林郎陝西道監察御史
贈孺人側楊氏子三弘毅純
配黃氏誥

主穴
諱兆胤字孺開號湛軒府庠生兩舉鄉飲大賓
配朱氏子二陞榮

右穆二位

諱弘字敷五
配王氏嗣子存誠

三

本野二

坐

取

西

米

白

夫
細米九十二
精此漸字
新開
...

本部三
韻辭入
附辭九
...



侍御公及顧太孺人救命

制曰績茂臺班正色立紀綱之地恩頒策府敷詞揚謇諤之聲
爾巡視中城陝西道監察御史陸毅砥節端方矢懷直諫披陳
剴切能令蘭署風生建白公忠頓使鵷行氣肅茲以覃恩授爾
爲文林郎錫之敕命於戲秩進豸冠之列寵命其承榮分鳳誥
之光嘉謨益勵

制曰丕績奏于中朝端賴閑家之助寵章頒乎慶典宜分齊體
之榮爾巡視中城陝西道監察御史陸毅妻顧氏早習女儀克
修婦職雞鳴交儆既砥節於素絲蚕織執勞用邀恩於紫綉茲
以覃恩封爾爲孺人於戲中桂彰和順之風鸞書誕貴廷陞煥
褒嘉之命象服茂膺

康熙四十二年三月十八日

制曰分符百里必遴出宰之材報最三年爰重懋官之典爾江西南昌府新建縣知縣陸毅雅擅材能克宣慈惠撫綏有要常瀟疾痛在己之心懷保無窮不忘顧復斯民之責茲以覃恩授爾爲文林郎錫之救命於戲前勞已茂用褒製錦之能來軫方適益勵飲冰之搯

制曰良臣宣力於外効厥勤勞賢媛襄職於中膺茲寵錫爾江西南昌府新建縣知縣陸毅妻顧氏終溫且惠既靜而專綦縞從夫克贊素絲之節蘋蘩主饋爰流彤管之輝茲以覃恩封爾爲孺人於戲敬爾有官著肅雍而並美職思其內迪龜勉以同心
康熙三十六年七月十九日

行狀節畧

府君諱毅字士迪號匪莪裔始晉司空玩累傳至九世祖諱瑜
明贈刑部清吏司員外七世祖諱旦明贈玉山縣知縣再傳至
五世祖泰初公高祖孟祥公俱以選貢負文壇宿望曾王父湛
軒公績學砥行有聲黌序兩舉鄉飲大賓先王父遜輿公諱榮
贈文林郎陝西道監察御史配王母黃太君贈太孺人先王父
食餼膠庠文品卓犖一時與黃陶菴齊名順治辛卯恩貢廷試
選授知縣先王父有子三府君行二爲王母黃太孺人出幼穎
異三四歲時授以書即成誦曾王父絕愛之王父之歿府君終
九歲哭泣如成人十歲而王母歿十一歲而曾王父又歿以髫
齡疊承三喪哀痛慘戚庭羸骨立見者動容時江南賦役煩重

家業蕩析伶仃孤苦支持良難乃贅于武陵外王父叙五公撫
之如子得奮志讀書焚膏繼晷寒暑不少間遂沉酣經史貫串
諸子百家文譽日起弱冠補博士弟子員乃偕吾母顧孺人卜
居樊村涇之西顏其堂曰紹衣仍前志也府君工楷括試輒冠
軍風簷寸藝膾炙人口群邑文會必推府君爲領袖周韋菴先
生里中宿儒也諸名碩多出其門尤器重府君時與探究經術
講研性理學益大進甲子秋遂冠義經府君自登賢書念少孤
力學稍酬夙志益鼓其氣刻厲爲文鍵戶揣摩至盥洗飲食不
輟公車驢背風雪中日必脫稿一二蓋其沉潛邃密學苦功深
如此乙丑禮闈得而復失比歸盡發篋中文稿屬門人輩編輯
之鈔板初出土論翕然家絃戶誦價重鷄林於是有直省闈墨

及房行易義諸選風行海內而吳門選政屬之府君矣戊辰捷
南宮是科所取皆一時名雋尤推府君爲大家殿試後不得館
選慨然曰吾輩志在蒼生良有司非不可爲也甲戌授江西新
建縣縣爲省會之區冠蓋絡繹簿書填委府君綽然肆應賢聲
蔚起西山境連四邑向爲盜藪府君嚴保甲法令健卒調致渠
魁置諸法餘黨悉散山多虎頒立賞格鄉民盡力捕逐患遂息
土風健訟召兩造諄諄誨譬誠意懇惻聞之者多流涕而退其
桀鷩不悛者按律不少貸邑訟^頌神明徵糧有羨耗盡除之釐剔
奸弊胥蠹無能上下其手民踴躍爭輸終歲無鞭朴聲西江爲
人材淵藪慕府君名他郡士子挾紙筆求試者無虛日邑試不
下萬卷遴選明慎學使者案發所拔多邑試前茅大中丞馬公

雅重府君以通省月課卷授府君精力第其甲乙不爽累忝坊
刻豫章校士錄所手定也丙子入闈分校主司以府君具精鑿
傾心委托同事亦虛懷從事繙閱十五晝夜搜剔靡遺得解首
邵良傑等七人皆單寒宿學其別房落卷有已經抹棄而實當
甄錄者洗刷以進復獲雋焉榜後咸願出門墻堅却之蓋不欲
市恩有如此已邠再入武闈解首復出府君房豫章傳爲勝事
府君勤於吏治諸如通水道建義學除雜派革蠹役靡事不舉
潔清自矢苞苴抑絕剛介之搯雖大吏亦不能屈五年政成治
行爲天下最名至京考授額外主事將拜職府君以曾王父王
父兩世尚在淺土趣裝歸里經營合墓時新邀寵錫棘門華表
巍然道旁閭左稱羨府君曰吾幼失怙恃不逮祿養罔極恩深

其何能酬報萬一乎壬午春入都補戶部江西清吏司主事未
兩月上以府君賢能不宜置散地遂授陝西道監察御史協理
山西道事府君自維一介寒素起家縣令驟列臺班益凜冰兢
貽書戒不肖等曰衣繡乘驄稱職尤難汝輩家居惟閉戶家居
庶母玷清白未幾奉命巡視中城地轄正陽戶多豪富倚援權
勢每罹法網輟浼大力挾持府君風清霜肅網紀森然日單騎
巡徼嚴戢奸宄抨擊豪強即戚里權貴不爲少挫輦下恇伏復
洞悉民間疾苦琉璃廠窮戶纍纍負房租一千四百餘金羈囚
拘比卒無以應詢之則房去租存鷄肉難補府君疏請豁免民
皆焚香列拜于門以爲公實生我也府君因人材日盛鄉會試
皆得廣額而童子猶翹首待澤疏請于各省學量增其額以示

鼓舞雖格於部議天下避之旋又奉命巡視東城協理陝西道
事治如中城歷職二年屢蒙簡用方駸駸內擢而以疢疾驟發
不任朝謁者月餘府君曰烏臺執法之地豈容曠職遂乞休當
道爭挽留之韓宗伯昌言於朝曰陸御史急流勇退吾黨當成
其志勿強也甲申仲春得請歸里既家居雅好泉石買宅于城
之東偏時不肖五人俱成婚府君謂吾母顧孺人曰向平之累
粗畢可少分饘粥之產以釋况瘁於是不肖兄弟仰承意旨時
營甘旨以進庭闈之內融融洩洩里黨艷稱之不幸伯兄與嫂
相繼而卒吾母悲痛不已旋亦遘疾不肖兄弟擗踊驚號遂爲
無母之人矣府君追念孺人一生佐讀治家辛勤屢勉痛悼久
而弗釋有悼亡詩一帙自此絕意仕途矣吏部東江唐年伯爲

風雅宗主府君北屋而居時相過從每遇春秋佳勝或共拈一
題或數疊原韵標竒競異酬唱不絕有微之樂天之遺風焉宅
傍有廢園廓而治之鑿池累石種州蔣花其西構一亭曰曠如
於花木蒼萃處建軒兩楹曰交蔭高阜植梅閒庭養鶴饒有林
泉佳趣稍南有樓池水滌洄其下四望軒敞為當年弇洲司寇
賞菊題詩處續集中所謂連峰半隱嵯峨閣暗室中穿窈窕溝
者是也府君時時偃仰其中遂居焉左圖右史聽鳥觀魚以為
吾可終老此矣乙酉歲

上閱河南巡府君跪迎道左備陳履歷蒙 賜宸翰御製出畿東
觀秋成詩一幅或謂府君曰 上屬意久矣扈從北上不日除
顯秩耳府君笑答之曰巖壑烟霞已成痼癖踈慵不堪鞭策也

平日好施樂義修祠廟繕橋梁設粥賑飢蠲助育嬰全活無算
故人歿而貧者爲經紀其喪其子困蹟不能自存按月給粟久
不替隣人負官逋百餘石受鞭撻府君捐金償之遂得釋邑中
凡有興革關民生休戚者必剴切直陳當事稍涉私雖親串必
婉拒之一刺不少假借故州大夫蒞婁者莫不敬服方伯郡守
亦皆聞風欽慕也府君天性孝友先伯敷五公早世乏嗣墓之
先塋伯兄敦仁婚配之初卽使任春秋祭掃無何兄嫂偕歿遂
命仲兄存誠爲嗣給產受宅令專主伯父祀族論避之叔士粹
公立品端方不苟取予自甘貧素府君餽遺不絕相得無間歿
而哭之哀凡祔身祔棺之具親自庀畫畧無遺憾而弟兩妹次
第爲之婚嫁楊氏姑母終歲相依周恤倍至生賴以養死賴以

頌他如族黨故舊吉凶來告靡不解囊投贈蓋生平居心誠厚
同人之急而絕不炫德沽名也尤敦師門之雅四明趙公令顛
榆星誤勘產府君力懇當事并寓書長安故交委曲補苴方得
脫然趙公亡後太師母遠道而來留奉決旬臨行厚贖給諫楊
公前宰新建府君亦宰是邑時達郵書商權利病既以葬事告
諸府君府君應之無難色玉峯東海太夫子與婁接壤有事必
躬親奔走竭忠盡禮而返府君律身儉約不入聲色之場不好
華侈之奉耽嗜典籍終日危坐手不釋卷樗蒲博奕之習一無
所解獨好作經義宦成後乘輿揮灑不加點竄而典雅精警雖
少壯工文者無以過長孫宏緒幼孤府君自撫育之長則課之
讀書指授作文法癸卯揆音至府君顧不肖等曰吾無他喜喜



得一高足也。晚年寄情篇詠，上獵屈宋，旁逮六朝三唐，及宋元諸名家，莫不造其堂而躋其闕。含英咀華，詩思泉湧，遇物觸景，一言立就。皆經東江吏部冰菴太守兩先生評定。府君胸懷洒落，不羈塵網。每歲夏初，池荷新放，綠蔭交加。約老友數人爲招涼之會，解衣磅礴，竟日觴咏興酣之際，即令不肖兄弟傾觥倒釀，次韻聯吟，藉以消磨歲月。陶冶性靈，得疾後猶酷愛園居。臨終諭不肖等曰：吾當易簀于此，以遂香山終老之願。毋驚動我。嗚呼痛哉！所著有宜豐筆記、西臺紀畧、遁夫草、北廬晚吟、數十卷，藏于家。嗚呼！府君以貌孤刻，自成立奮迹，科名視篆則爲循吏，衣豸則稱直臣。希踪疏傳，高卧東山。鄉黨被其德而睦，姍任邱古處是敦。生平不見疾言遽色，而家風整肅，臧獲輩從未敢

踰分縱越真不媿宇宙完人存順歿寧可以含笑九京獨不肖
兄弟未能振起家聲顯揚前烈時切疚心今更音容杳邈永無
再見之期矣嗚呼痛哉

不肖

履謙
適
懷

承重孫宏緒泣血謹述



Faint, illegible vertical text columns within a rectangular border, likely bleed-through from the reverse side of the page.

誥封孺人顧太孺人行述

孺人姓顧氏系出武陵右族外舅叙五公與先君子以世好訂
姻余甫髫齡遽罹大故怙恃相繼見背家業蕩析僅存汙菜無
一椽之棲外舅收而撫養之恩同怙恃也讀書甥館偕諸內兄
日夕漸摩舉業賴以稍就弱冠補博士弟子員始成合卺禮三
日廟見勢格不行孺人痛傷之私設影堂敬懸先像瞻拜嗚咽
歲時祭享必竭誠致慎修潔庖餼親奠几筵藹乎洞洞屬屬之
思焉先業既廢所承受公私諸逋壘壘見迫薄田歲侵質貸計
窮勢需脫簪珥以應余方蹙額不能啓口孺人則慨然出之不
以為意館地逼仄紡績之聲常與呶唔相應丙辰一男生丁巳
一女生食指稍多勢漸不能容始卜居江家山之前偏室中一

切器皿什物纖悉皆由勅置人見予了然之軀二三年間家具
充然如取諸其寄不知孺人之摒擋拮据亦已苦矣余時浮沉
諸生中歲科試輒前茅孺人不色喜秋風報罷意境寥落孺人
無愠色蓋其恬淡之志曠遠之識自昔已然也次男繼生連索
而得六子三十年中延師教誨晨昏督課不少假顏色義方嚴
切殆有過於余者余性孤僻懶於世務拙於家政孺人調劑中
外不以瑣屑累余俾獲焚膏繼晷專攻文藝兩闈倖售寧無欣
助之功哉之官江右地介衝繁余率戴星而出署中鎖鑰扃固
署外鈴柝肅然聲息不聞闕防慎密翳惟孺人主之余聽政理
刑間有不自得者退以告孺人輒相顧咨嗟裁決當理則躍然
以起周章皇惑之際恒出片語起余昔梅聖俞與士大夫語夫

人謝氏從戶屏竊聽相與商確人材賢否及時事得失皆中條
理吾於孺人遇之矣宰邑五年幸免隕越政成量移京秩孺人
涉遠至誠余曰烏臺非翔步地豸衣必稱其服遑問牛衣涕泣
時耶偉哉斯言識高王仲卿妻一籌無何余病作匝月不視事
孺人幡然曰事與願違矣休沐權也引疾義也難進易退士君
子立身大閑可勿慎諸我先行矣臘月衝寒單車就道無幾微
留戀色識者聞而壯之明春余得請旋里杜門却歸屏跡塵鞅
孺人樂而安焉闔小圃為終老計幾欲如少君共挽鹿車德曜
偕入山中昔人所稱使我不以富貴貧賤動其心者妻之助也
嗚呼古今人豈不相及哉孺人一生懿蹟未易指數大約事親
以孝待姻戚里黨以厚御下寬嚴有體此尤其章章表著者余

初以少孤兩代未葬呼天飲泣者二十年辛巳始克經營窀穸送形迎精惴惴不愆於度孺人默相居多外舅即世孺人奉母張太孺人時時迎養於家順意承顏曲盡子職同胞妹無祿撫其女爲已出處諸姑妯娌間終其身雍睦無間余妹有鄰近者經歲相依賙卹之情久而彌篤及病歿則助貲以殮方從子宰邑時自維祿薄不能分贍親族惓惓以幼甥爲念遠道贈遺趣其成婚無一毫市恩尸德意也起家節儉財不濫施而獨好行其德冬月廣設綿衣願領者聽不叩所從來或告人死無棺量力佐之亦不計其誠僞他如廢疾貧苦無告之徒歲授粟者相踵也臧獲婢媵動繩以法當其寬惜優厚之處人人務得歡心以故歿後多失聲泣下無少嘆焉孺人承先裕後安上全下之

門大槩類此性淡泊肥甘不入口齋期之外強半長蔬惟祭祀
豐潔及余里社雞豚之會嘉吉娛賓未嘗以苟簡從事一生服
御不尚鮮華寓京邸恭逢

覃恩寵命封錫制造冠帔光華爛然人謂將焜耀閭里及攜歸
韜藏篋笥雖吉禮從不輕用家人固以請輒瞿然曰象服是宜
其庸褻越輕瀆王章異日含殮汝等爲我加身含笑戴君恩

于地下耳時家人輩重諱其言嗚呼誰知竟酬于今日豈不痛
哉體素弱亦無甚病自都門歸長途犯寒得怔忡症常常患之
敦仁夫婦夭歿悲痛之餘心血漸耗去年恬成婚後孺人顧謂
余曰向平累畢矣吾室愧無陸賈金姑授田百畝令自爲生產
吾兩人以時過之給吾兩人酒食極歡十日而更于君願如何

平原宗譜
許壽顧太孺人行述三
乾隆己卯年修

余唯唯分授方畢忽今七月杪有非禮相干者出不意孺人憤
懣殊甚鬱而成痢漸妨飲食纏綿五十日醫藥罔效竟至不起
嗚呼傷哉孺人達觀素定病中初不以死爲戚半月前處分後
事縷縷詳明瀕危無一贅亂語嗚呼此其夙根清淨豈與凡濁
伍耶人情偶致通顯顧念糟糠之婦則欲共享繁華余意不然
但期伏處林泉享清閒之福優游偕老足慰餘齡不料蒼穹靳
惜更甚此非孺人之不幸乃缺陷世界乘除氣數使然余復何
尤孺人亦復何憾獨諸兒森立日夕冀其振拔以副廿年鞠育
之私而歲月蹉跎此願未遂九京之下其能漠然已耶

杖期生陸毅收淚頓首述


陳 智 涇 新 瑩 圖

左
右昭二位
嚴思公太學生敕贈文林郎福建福州府羅源縣知縣
顧氏孺人敕贈孺人

主穴
匪莪公康熙戊辰進士敕授文林郎陝西道監察御史
顧氏太孺人敕封孺人

右穆二位
袁山公教習貢生揀選知縣
楊氏孺人

平原宗譜
陳智涇新瑩圖一
乾隆巳卯年修



坟堂神位

匪莪公

儼思公

褒山公

右十五都一畝譏字圩田二十三畝向分授宏緒前因穴地
公帳內償價玖拾貳兩除坟基外實存十四畝作祭田外存
小西門外二都號字圩田五畝零

贈文林郎福建福州府羅源縣知縣顯考儼思公暨顯妣顧孺

人行略

不孝

宏緒振緒

八歲喪母九歲府君見背熒熒小子童騃無知蹉跎

口十年不克舉先人懿行碩德顯揚一二罪深愆重百死莫贖

先王父丈夫子六府君行居長自幼稟承庭訓鍵戶讀書無纖

毫紈袴習十九歲吾母來歸吾母係武陵望族先王母顧太孺

人姪女端莊貞靜賢而有才府君得良內助益專心肆力於學

作為文章清新靈雋自成一家皆經先王父點定先王父宰新

建府君偕吾母隨邑屬省會要衝冠蓋絡繹簿書填委先王父

戴星出入刻無寧晷府君精幹課誦暇諸凡綜理微密蠹胥猾

吏無所容其奸先王父倚賴如左右手在署三年連舉不孝兄

弟先王父政聲洋溢循卓冠江右行取補戶部額外主事旋擢
臺端命府君庀畫家政府君仰體先王父公忠報國國清白傳
家杜門不與戶外事壬午偕叔父哀山公應江寧試報罷不少
挫日拈一義積成卷軸篤志好學出於天性然也甲申春先王
父年甫及艾引疾退休買宅于城之東偏府君離新居不半里
晨夕定省與諸叔分題熟課競爽標竒先王父品評甲乙一門
之內自爲師友不幸是年冬吾母抱病謝世府君雖抑情自愛
顧念吾母勤儉撻作上而王父母脂膏滌灑之奉下則不孝輩
提攜鞠育之勞辛勤屢勉克相實多中道棄捐傷悼曷已乙酉
六月適感風寒王父母日來診視醫藥罔效竟成不起嗚呼痛
哉此皆不孝兄弟罪大惡極甫在髫齡連失怙恃含殮視哀茫

奉

天承運

皇帝制曰求治在親民之吏端重循良教忠勵資敬之忱章
隆褒獎爾陸敦仁乃福建福州府羅源縣知縣陸宏緒
之父裊躬淳厚垂訓端嚴業可開先式穀乃宣猷之本
澤堪啓後貽謀裕作牧之方茲以覃恩贈爾爲文林郎
福建福州府羅源縣知縣錫之敕命於戲克承清白之
風嘉茲報政用懃顯揚之志昭乃遺謨

制曰朝廷重民社之司功推循吏臣子凜冰淵之掾教本
茲幃爾福建福州府羅源縣知縣陸宏緒之母顧氏淑
慎其儀柔嘉維則宣訓詞于朝夕不忘育子之勤集慶

平泉宗譜

敦仁公敕命一

乾隆己卯年修

澤于門閫式被自天之寵茲以覃恩贈爾為孺入於戲
仰酬顧復之恩勉思撫字載煥絲綸之色永貫幽泉

制曰分符百里必遴出宰之材報最三年爰重懋官之典
爾福建福州府羅源縣知縣陸宏緒雅擅才能克宣慈
惠撫綏有要常深疾痛在已之心懷保無窮不忘顧復
斯民之責茲以覃恩授爾為文林郎錫之敕命於戲前
勞已茂用褒製錦之能來軫方道益勵飲賓之操

制曰良臣宣力於外効厥勤勞矣媛賢襄職于中膺茲寵錫
爾福建福州府羅源縣知縣陸宏緒之妻錢氏終溫且
惠既靜而專綦綰從夫克贊素絲之節蘋蘩主饋爰流
彤管之輝茲以覃恩贈爾為孺人於戲敬爾有官著肅

雍而並美職司其內昭淑慎之遺徽

制曰在公必敬臣心每待助於閨闈齊骸維均國典必疏
榮于繼室爾福建福州府羅源縣知縣陸宏緒之繼妻
唐氏以順爲正無成有終柔嘉克踵乎前徽珩璜流譽
慶澤用昭其嗣美翟禕增光茲以覃恩贈爾爲孺人於
戲如綸如綉勿忘象服之榮宜室宜家允副鸞書之錫
乾隆十六年十一月二十五日

祭韶九陸公文

唐孫華撰

東江

嗚呼龍蛇當阨少微掩芒老成凋謝古道云亾神陰北海之杯
腸斷西州之路戚黨知交衆咸如實誠足哀也先生爲余同年
匪莪侍御從叔間嘗向余稱道先生其性情行誼至於頤養嗜
好絕嘆賞之方思以餘年頽景互相過從追雞豚同社之樂而
計音忽至胡天之不相有德而奪之速耶陸氏爲三吳右族占
籍婁東簪纓奕代先生王父仲鳴公昆弟績學著名當時乃父
子馮公職列翰苑高貲甲於郡邑會遭世變家產中落先生少
遭閔凶克自成立就學家塾即工文史筆札之美洋洋灑灑然
志樂棲遯雖例入成均終絕迹進取斯則高人之致不可及者
矣惟先生念先業之凋零田廬之非昔用計然之策嗇食省衣


持籌握算曾不幾時遂恢其舊於是以前財分散凡媿族之婚
喪友朋之告匱無不率先欣助其中尤貧無恃賴者生養歿殮
先生曾無恡色無倦心懷德者甚衆今之奔赴號慟者屢常滿
也與之遊處如飲醇醪查滓悉化至若遇事抗直面折人過聽
者頭縮舌撝有以是非相質証則片詞立釋蓋其性剛方明允
故不畏強禦不侮矜寡如此居遠囂塵門少剝啄砥室靚房左
圖右史鑿一灣之沼波躍錦鱗栽四時之花庭圍綵障春秋令
節招集同志食炙行觴歡讌累日時或供饌伊蒲結遠公之社
探尋奧異縱謝氏之遊人望之爲陸地行仙也雅善鼓琴夜月
窺窗沉香爇鼎動捺撫絃賞音獨絕好園基銅溝清泚熟慮凝
神子落枰間觀者貽聘方之名品正在甲乙之中視世之心勞

日拙馳驚聲利之場者何如哉先生之稟賦不凡康彊壽考吉
祥令終誠伸長統所云逍遙一世之上睥睨天地之間不受當
時之責永保性命之期者已教訓子弟以承先啓後爲務秀者
澤於詩書朴者命之孝弟力田稍不如意則誚讓數四必使其
負荷堂構而後已故今族姓衆多皆能束修自好廓大前業爲
世稱慕長君士敏曲體親志早擷芹香而數竒不偶屢躋場屋
然棟礎異材終儲廟堂之用次君英雋妙年瓌璋不羣直如花
萼之交輝填箎之迭奏而且文孫林立莫不懷文抱質含英咀
華將來並轡聯鑣馳驅皇路未可限量許見

龍章鳳誥疊賁重泉先生其含笑九京矣乎余與先生居屬同里誼
忝通門夙敦景仰之私未慰溯洄之志不能無餘慨焉若夫椿

槿之榮枯彭殤之修短則先生之年已幾大耋而嘉言懿行更足傳之無窮固不必為先生悼也敬次大畧以當楚此之招惟先生其鑒諸嗚呼哀哉尚

饗



敬傳公祭文


冰菴王吉武撰

陸氏爲吾婁巨族代有達人而君固平原之豐玉也向高曾以
來卜宅穿山清門耕讀經術高行爲一鄉師表君胚胎先德才
器不羣幼補博士弟子工于制舉業而屢踏省門不遇至性過
人事尊人青闈公曲盡敬順公捐館後奉祖母黃太孺人母董
太孺人備極承歡先後執喪哀毀逾禮歲時祭享思慕不衰此
君之能孝也春秋上塚族人少長咸集於家序拜合飲以爲常
親串往來綢繆款洽其有吉凶大事量力資助不靳此君之能
睦婣任卹也爲人謙和誠謹慮事周密而肝胆披豁見義必爲
凡里黨有訟爭主于委曲調護或置酒以釋紛或解橐以全事
初無市恩責報之念至邑有公事如濬河設賑既捐資倡率復

籌策以贊其成此君之才略濟時見諸實用者也居家規重矩
疊不苟言笑延名師豐修膳以教子孫朝夕庭訓惟讀書砥行
是勗此君之善于貽謀也康熙丁亥亂賊蝗聚剽劫白晝突入
罄其所蓄處之淡如得桑民憚先生廢圃築爲南園栽梅繞屋
種竹萬竿顏其堂曰湛如軒曰筠蔭日與二三知己把酒論詩
於其間雅好圍碁對客手談竟晷不倦遇之者心曠神怡儵然
忘返以爲前輩風流不墜其雅懷勝致也如此己亥春君甲子
一周里中醵金爲壽君堅卻之至出遊以避素強壯不識藥餌
今正月下浣忽得腹疾自知不起與親友訣次日端坐而逝君
不喜浮屠家言乃末後一着竟與佛氏之尅期坐脫相似豈宿
根使然耶其洒然去來之際又如此君與寒家爲舊親先兄弘

導與青闈公俱爲董楚翁之壻先兄歿三十年前寡嫂尚存于
君爲從母君念其焚老每歲有所餽遺緩急輒應間囑以事必
盡心謀畫即寒家如君之篤於親誼可槩見矣嗚呼當此末俗
頽波以薄爲道求如君之敦倫尚義不減古人者豈易得哉奈
何歲在龍蛇賢者首厄竟不獲享大年而奪之速也所謂天道
未可問矣猶喜趾美有人受經章耀昆仲圭璋其品黼藻其文
諸孫英英露頭角定能振起家聲光大先緒而吾輩之不能已
于累欷者則以君爲鄉邦所不可少之人今老成已謝矜式無
人能無宿草之感耶敬奠椒漿靈其鑒茲哀哉尚饗

入神無礙草上收眼來真...



木竹向矣解耳且其...

何為其辨知會其言...

既夾心既燕動生...

過山物直向來...

我亦將其兼念...

事與昔同念...

陸節母蕭孺人傳

陸爲婁東著姓居穿山者族尤巨前明季年有翰林待詔諱京者爲讐家所害其妻黃氏剪髮銜刀號拱有司事尋得直讐遂授首里大壯其義比之三國時丹陽偏將軍妻徐氏其後養姑訓子勵冰蘖之搯者又五十餘年乃歿入國朝得受

旌典越四傳而其元孫悅材之妻蕭孺人復以節顯云孺人之父曰裁輔翁篤行君子也母王太君琅琊麟洲公裔孫女裁輔生三女孺人長且賢愛之甚授以孝經內則及古列女傳輒索縷解性尤婉嫵寡訾笑裁輔之姊適陸氏者悅材母也見而異之遂締姻焉年十捌歸於陸時悅材之大

父母父母咸在堂孺人能承兩世歡皆羶然喜曰吾家得
一賢冢婦不啻得一賢子孫也悅材名楨好讀書年二十
二得疾竟不起結禱僅踰年耳孺人呼搶不欲生屏水漿
者五日媼威勸不應兩世尊章相對蹙然曰如此則從夫
以死如吾四老人何孺人聞之廼少進一盞米毀瓦骨立
終日不離殯所每祭終身哭泣如初殯曰吾以堂上老叔
幼不得隨夫子地下所得盡者惟此區區耳蓋是時大舅
莘民翁暨配周太姑皆躋大耄舅堯復翁夫婦亦屆六旬
而悅材少弟漢梁方在髻鬣孺人以孱焉弱癯代子若孫
職視寒燠進柔甘四老人安之不知喪其子若孫也居無
何莘民父子及周太姑相繼棄世孺人盡哀盡禮無不中

節未幾姑蕭太君患咯血累年不逾飲食卧起櫛沐皆孺人是倚以一身爲病者左右手無旦夕離初堯復有別業在城至蕭太君病以就醫始遷居之近市湫隘不戒於火家貲廢斥殆盡又值歲祲益大困賴孺人勤作而普用縮服食以供藥餌太君竟以壽終飭喪營葬兩世窀穸次第舉襄孺人之力爲多先是堯復病革時孺人請於舅姑皆曰陸氏不絕如綫宜速爲小叔授室以延嗣續舅姑皆然之故漢梁年十六而娶又數年而生子熊於禮當後大宗孺人乃破涕爲笑曰幸哉吾夫有子矣抱歸寢室擇乳媪哺之而躬自鞠養推乾就濕保卹周至稍長口授四子書孤燈涼幌寒暑不少輟及出就外傳督課逾嚴有不受教輒

垂涕曰汝不成立吾無以見汝父於九京矣熊亦往往感
泣延師於塾餼膳精整儀文款洽有來同學者必慎擇而
厚禮之曰師與友皆所以導吾子於善也敢不敬諸其明
達識大體類如此孺人治家禔躬具有法度其庀事綜緯
匝密內外宗鄙莫不奉爲軌則有大事必諮而行生平大
敦於戚族死喪急難有來告者恒典篋筭以應收撫孤寡
久而不懈無少德色故其歿也遠近被惠者至泣下臧獲
皆失聲嗚呼可謂賢也已孺人年二十而稱未亾五十而
卒守貞者三十年於

國家旌褒之典符矣矧其懿德高行卓卓可傳夫非完節中
之尤顯異者歟異日烏頭雙表之樹與其高祖姑黃夫人

後先輝映又豈獨一家之盛事乎哉

太史氏曰余自戊辰假歸孺人延訓子熊而漢梁之配又
余亾內之從母也故孺人苦節余知之尤悉謹列其事以
輝彤管且俾他日采風者有所據焉抑余聞家之將興莫
不始於門內歷觀古來名人巨德類多出於窮嫠之裔彼
其幽憂勤苦之意專壹而不散足以感動乎鬼神也熊可
以勉矣

賜進士出身翰林院編修加一級


五朝國史館纂修官前翰林院庶吉士年家眷侍生毛詠頓首拜

謹

悅材公生于康熙壬午二月十五日寅時歿于雍正癸卯

八月廿九日申時蕭氏生于康熙甲申十月廿二日未時
歿於乾隆癸酉七月十二日巳時

葬於廿七都七畝史字圩



黃太孺人八袞壽序

余讀斯干之什曰無非無儀而知婦人非有才之難有德之難也又嘗讀雞鳴昧旦之章而抑又知婦人非僅有德之難有才而善用其才之即爲德之尤難其有才而善用其才之即爲德奈何必也具經緯萬事之能而又能守教令不出閨門之訓而善藏其用是之謂才守端莊靜一之儀而又能履常而不怠遇變而能安而靡所處而不得是之謂德若是乎德即才也才即德也此善用其才之德斯爲德也余於陸母黃太君得之矣太君系出江夏累世簪纓不絕爲吾婁望族及長于歸平原子馮公平原乃吳中四犬姓之一其先自大叅侍御兩公發跡東吳遞傳至孟祥仲鳴兩先生受知於先文肅與余先大父緱山公

暨練川子柔婁先生雲間眉公陳先生稱莫逆交書法在鍾王之間名振一時偕尊大人泰初公俱以明經終其身故當事者有三蘇世望之日子馮公乃仲鳴先生令嗣也少負不羈之才個儻風流標名翰苑無祿卒遭家難爾時太君年未及壯即冰蘖自矢上有垂白之姑下有垂髫之子而且內而薪水有無外而錢穀出入以祖宗數十年經營創造之遺業而獨萃一不出戶庭之閨闈弱媳而又值國家有事之秋門庭多故絕不復繼之會所謂攬大廈之將傾引千鈞于一線者此其時矣而太君獨款款焉優優焉不動聲色不事張皇挽將頽之緒而措之泰山之安舉古今來烈丈夫之所不能爲者而輒以一身肩其任此豈非具經緯萬事之能守端莊靜一之戒而善藏其用而靡

所處而不得者耶予是以誦思齋之首章而知其孝泉水之二章而知其敬小宛之三章而知其慈且賦柏舟而知其貞且節咏葛覃卷耳采繁采蘋而知其勤且儉也斯所謂德也斯所謂有才而善用其才之德斯爲德也余與平原爲通家子家從妹適太君令嗣韶九爲太君分婦家小院聿脩與士迪復締朱陳之好故太君之生平已略知一二而家從弟承武適以太君八袞借吾友周子紫房等乞余言爲祝承武士迪之外兄弟而公錫昆季之從甥也故能復道太君之生平甚悉余亦不辭脩述之如此至於太君盛德所留有子如公錫諸君有孫如莘民諸伯仲而且雲耳繁興英賢鵲起享遐齡膺厚錫此固太君盛德自然之符予不必贅且其一生節行

學憲李公

撫憲洪公

俱諄諄拜請

聖天子將錫之命付之太史揚之彤管并無俟予草墊之支詞以爲設悅昌言而聊因諸君子之請而爰以不文之詞共上南山之祝而爲太君進一卮云

賜進士出身候封戶科給事中年姻家眷弟王揆頓首拜譔

全祝 周 宸 張曰衍 周 琰 吳 泫 李世廉

王 烈 周復旦 徐 纘 吳 泓 王 寬

子馮公州庠生援例南雍擢授翰林院待詔

仲鳴公州庠廩貢生貢舉到京廷對第二名有入洛草行世例授五品服終身

弟希言友愛特至且與鷄豚近局互相往還所謂良時吉
日之享羔豚良朋萃至之陳酒肴也家有琴書門無剝啄
或赴遠公之社或棹剡溪之舟其神既逸而其心更閒不
必安神閨房嗑吸精和自足以享大年臻耄耄矣然後知
先生志量之卓越有出乎尋常意計之外者誠無羨王侯
之門矣吾聞尊王父待詔公暨尊大人兩世之棺因未遇
牛眠在淺土而待詔公滄桑殉難尊王母黃太孺人冰霜
矢節已籲請建坊力猶未逮抱恨明發彌留之際特召諸
孫諄復譎諉以田三百畝藏兩大事則先生之篤於天性
可知若乃慷慨好義敦重然諾投桃報李必修歲時之往
來贈麥指菌不惜婚喪之飲助無德色亦無僇心此特其

餘事也已今年夏仲令嗣國學景暘親翁驟赴玉樓之召
不無西河喪明之痛然長孫年方弱冠已需次銓曹諸孫
皆華萼聯芳曾孫又蘭玉競秀源遠者其流必長本深者
其未必茂他年連鑣並轡驤首天衢於是乎

紫誥宸章寵榮疊賁先生其不朽矣乎鄉城相距僅五十里余
也葭葦末契既不獲伸溯洄秋^水之思復不獲展絮之酒炙
鷄之奠有餘媿焉狗諸君子之請耶以聞於匪莪侍御與
從弟震遠者詮次大略以當楚些之招靈其鑒之也耶嗚

呼哀哉尚

饗

賜進士出身

